



## Barnaamijyada Taageerada Maaliyadeed ee Dowlada oo loogu tallogalay Hay'adaha

Waxaa ku lifaaqan liistada barnaamijyada taageerada hadda jira iyo kuwa weyn ee ganacsiga ee laga bixiyo dawladda Federaalka iyo Ontario laga bilaabo Janaayo 7, 2021. Wixii macluumaadka ugu dambeeyay ee ku saabsan barnaamijyadan, fadlan hubi inaad booqato linkiyada dukumintigan ku jira.

### Barnaamijyada Taageerada Maaliyadeed ee Dowladda Federaalka

#### Kaalmada Kirada Xaalada degdegga ah ee Kanada (CERS)

Kaalmada Kirada Xaalada degdegga ah ee Kanada (CERS) wuxuu beddelayaa barnaamijka Gargaarka Kireynta Ganaci ee xaalada Degdegga ah ee Kanada (CECRA) wuxuuna siiyaa lacag-bixinno toos ah kiraystayaasha u-qalma iyadoon milkiileyaasha ka qayb-gelin. Barnaamiju wuxuu dhaqan galayaa Sebteembar 27, 2020 ilaa Juun 2021. Barnaamijka CERS waxaa ka mid ah kaalmada aasaasiga ah iyo taageerada xiritaanka dheeriga ah ee ganacsiyada iyo kuwa aan macaash doonka aheyn ee sida weyn uu u saameeyey amarka caafimaadka dadweynaha ee usbuuc ama ka badan.

Ma jiro hoos u dhac dakhliga ugu yar ee loo baahan yahay si loogu qalmo. Heerka hoos u dhaca dakhliga codsadaha ayaa markaa kadib loogu adeegsadaa xisaabinta kaalmada. Waxaa jira xisaabiye loo heli karo inuu ka caawiyo ganacsiyada xisaabinta qadarkooda kaalmada. Macluumaad dheeri ah waxaa laga heli karaa Khadka Su'alaha Ganaci ee CRA **1-800-959-5525**.

#### Kaalmada Mushaharka xaalada Degdegga ah ee Kanada (CEWS)

Kaalmada Mushaharka xaalada Degdegga ah ee Kanada (CEWS) waxay loo-shaqeeyayaasha siisaa kaalmo maaliyadeed oo ah mushaharka shaqaalaha ee dib u noqoshada illaa Maars 15, 2020. Barnaamiju wuxuu dhaqan galayaa ilaa Juun 2021.

U-qalmitaanka barnaamijka wuxuu ku saleysan yahay hoos u dhaca dakhliga iyadoo la isbarbar dhigayo heerarka inta lagu jiro xiisadda COVID-19 iyo xilli hore (dakhliga aasaasiga ah). Loo-shaqeeyayaashu u-qalma waxay helayaan boqolkiiba mushaharka shaqaalaha iyadoo lagu saleynayo kala duwanaanshahaas. Waxaa jira xisaabiye loo heli karo inuu ka caawiyo ganacsiyada xisaabinta qadarkooda kaalmada. Macluumaadka ku saabsan codsiyada CEWS waxaa laga heli karaa **1-833-966-2099**.

#### Koontada Ganacsiga xaalada Degdega ah ee Kanada (CEBA)

Koontada Ganacsiga xaalada Degdegga ah ee Kanada (CEBA) waxay ganacsiyada yaryar iyo kuwa aan macaash doonka ahayn siisaa amaah aan dulsaar lahayn oo gaarayo illaa \$60,000. Bixinta haraaga amaahda Diseembar 31, 2022 ama ka hor waxay sababaysaa cafis amaah oo boqolkiiba 33 ah.

Laga bilaabo Oktoobar 2020, u-qalmitaanka CEBA waa la ballaariyay iyadoo laga saaray xaaladdii hore ee ganaci ee u baahnayd koontada furan/hawlgalka ganacsiga ee firfircoo. Ganacsiyadu hadda way dalban karaan ka dib markay ka furaan koontada furan/hawlgalka ganacsiga shirkadooda koowaad ee maaliyadeed.

Laga bilaabo Diseembar 4, 2020, codsadaayaasha CEBA ee la ansixiyay waxay heli karaan \$60,000 oo amaah ah. Qaatayaasha amaahdii hore ee \$40,000 waxay dalban karaan qaddar dheeri ah oo gaaraya illaa \$20,000. Barnaamijka waxaa laga heli karaa in ka badan 220 hay'ado maaliyadeed oo ku baahsan Kanada. Faahfaahin dheeraad ah waxaa laga heli karaa **1-888-324-4201**.

#### Sanduuga Gargaarka iyo Soo Kabashada Gobolka (RRRF)

RRRF waxay siisaa deyn aan dulsaar lahayn ganacsiga iyo ururada aan macaash doonka ahayn ee ay gaartay saamaynta dhaqaale ee COVID-19, kuwaas oo aan awoodin inay helaan tallaabooyinka kale ee gargaarka federaalka, ama u baahan

taageero dheeri ah. Waxaa jira [laba ikhtiyaar oo maal-gelin](#) iyada oo loo marayo RRRF: labada ikhtiyaar ee amaahdu waxay taageerayaan lix bilood oo ah u-qalmitaanka iyo taageerada kharashyada hawlgalka ee go'an ee ugu badnaan \$40,000 ama illaa ugu badnaan \$1 milyan, taas oo ku xidhan ikhtiyaarka. Waqtiga loo cayimay tixgelinta kharashka waa Maars 15, 2020 ilaa Maars 31, 2021.

Qaar ka mid ah [shuruudaha u-qalmitaanka](#) ee hay'adaha inay buuxiyaan ah waxaa ka mid ah: wajahaya culeysyada maalgelinta kharashyada hawlgallada ee go'an oo ka dhashay cudurka faafa ee COVID-19; codsaday tallaabooyinka gargaarka kale ee COVID-19 ee Dawlada Kanada ee ay u-qalmaan; shaqeynayay ka hor Maars 15, 2020; lehna koontada furan/hawlgalka ganacsiga ee firfircooni.

### **Barnaamijada Taageerada Maaliyadeed ee Dowladda Gobolka**

#### [Deeqda Taageerada Ganacsiga Yaryar ee Ontario](#)

Deeqda Taageerada Ganacsiga Yaryar ee Ontario waxaa lagu dhawaaqay dabayaqaqadii Diseembar 2020 waxayna bixinaysaa ugu yaraan \$10,000 iyo ilaa \$20,000 si loo caawiyo ururada inta lagu jiro aafada.

Ganacsiyada yaryar ee looga baahan yahay inay xiraan ama xaddidaan adeegyada inta lagu jiro Xiritaanka Gobolka oo dhan ayaa dalban kara deeqdan halka mar ah. Ganacsiyada u qalma waa inay lahaadaan in ka yar 100 shaqaale ah oo ugu yaraan boqolkii 20 dakhligoodu hoos u dhacayo Abriil 2020 marka loo eego Abriil 2019. Shuruudaha u-qalmitaanka ee ganacsiyada aan shaqeynin inta lagu jiro Abriil 2019 ama Abriil 2020 ayaa lagu dhawaaqayo Janaayo 2021 iyada oo la raacayo shuruudo kale iyo bogga dalabka. Ganacsiyada aasaasiga ah ee loo oggol yahay inay ku shaqeeyaan xayiraadaha xadka uma qalmaan.

#### [Deeqda lacag-celinta Canshuuraha Hantida iyo Kharashka Tamarta](#)

Ganacsiyada ah, ama looga baahnaa inay xiraan ama si weyn u xaddidaan adeegyada sababo la xiriira tallaabooyinka caafimaadka bulshada ee gobolka ayaa dalban kara lacag-celin, oo lagu bixiyo qaab deeqo, si looga caawiyo canshuurahooda hantida iyo kharashyada tamarta. Dhammaan ganacsiyada yaryar ee u-qalma Deeqda Taageerada Ganacsiga Yaryar ee Ontario sidoo kale waxay u-qalmaan lacag-celinta hantida iyo kharashka tamarta.

Ganacsiyada u qalma waxay heli karaan lacag celin ah 1) canshuuraha guryaha dawladaha hoose iyo waxbarashada, iyo 2) kharashaadka tamarta, oo ay kujiraan korontada iyo gaaska dabiiciga ah (ama meesha gaaska dabiiciga uusan ka jirin, naftada iyo saliida kululaynta). Maalgelinta ayaa daboolaysa muddada dhan ee xaddidaadaha bartilmaameedka gobolka ee caafimaadka bulshada ay jiraan. Ganacsiyada badankood waxay filan karaan inay ku helaan lacag-celintooda toddobaadyo gudahood markay soo gudbiyaan codsi dhammaystiran. Faahfaahin dheeraad ah waxaa laga heli karaa **1-855-216-3090**.

#### [Barnaamijka Kaalmada Tamarta ee COVID-19 ee Ganacsiga Yaryar](#)

Barnaamijka kaalmada Tamarta ee COVID-19 ee Ganacsiga Yaryar (CEAP-SB) wuxuu bixiyaa dayn hal-mar ah, oo biilasha ah ganacsiyada yaryar ee u-qalma iyo macaamiisha samafalka diiwaangashan. Qaatayaasha waxay xaq u yeelan karaan ilaa \$ 850 taageero haddii ay ugu horreyn koronto u adeegsadaan kululaynta, ama illaa \$ 425 haday adeegsadaan noocyada kale ee tamarta.

Barnaamijkan waxaa la bixin iyada oo loo sii marinayo qeybiyeeyaasha korantada, qeybiyeeyaasha gaaska dabiiciga ah, iyo bixiyeeyaasha mitir-hoosaadka unugyada kuwaas oo si wada jir ah u helaya codsiyada ganacsiga.

#### [Deeqda muhiimka Gargaarka wadada ee Ontario: Taageerada PPE](#)

Ganacsiyada yaryar ee labo ilaa sagaal shaqaale leh ee qeybaha tafaariiqda, hoyga, dayactirk, iyo jir-dhiska ayaa dalban kara deeq hal-mar ah ee ilaa \$1,000 si looga caawiyo kharashyada Qalabka Ilaalinta Shakhxiyed (PPE). Faahfaahin dheeraad ah waxaa laga heli karaa **1-855-216-3090**.